

Itilizasyon Akseptab de Règleman Pou:
MATCH CHARTER PUBLIC SCHOOL

1. Objektif ak Itilizasyon ki Akseptab

- a. Lekòl Piblik Match Charter (“Match”) founi mentni sistèm enfòmatrik yo ak resous rezo yo pou sipòte prestasyon edikasyon epi administrasyon operasyon Match yo. Sa yo enkli estasyon travay òdinatè yo, laptop yo, aparèy entèlijans pòtatif yo, aplikasyon yo, rezo entèn yo, (toulede, sa ki fonksyone ak fil e sa ki fonksyone san fil), sèvis yo, baz done sou entènèt, e aksè andeyò rezo yo, enkli entènèt (de fason kolektif dokiman sa fè referans a “sistèm enfòmatrik yo”). Règleman sa aplikab pou tout itilizatè sistèm enfòmatrik Match la, sa enkli anplwaye, volontè, kontraktè, etidyan ak vizitè Match yo.
- b. Match la pèmèt anplwaye l yo ak volontè yo pou yo itilize sistèm enfòmatrik Match la pou rezon pèsònèl yo okazyonèlman toutotanke sistèm enfòmatrik la pa itilize yon fason ki vyole règleman sa a epi itilizasyon sa a fèt avan oswa aprè lè travay yo, ki se pa nan moman ki asiye pou anseye oswa lè travay, e moman manje midi yo.
- c. Règleman sa a dekri itilizasyon akseptab ak inakseptab nan sistèm enfòmatrik Match, men deskripsyon sa yo pa lis konplè sou tout itilizasyon akseptab oswa inakseptab. Nenpòt itilizatè ki gen yon kesyon konsènan si wi oswa non yon aktivite an patikilye pa akseptab dwe chache oryantasyon nan men sipèvizè l (pou pèsònèl la), Direktè la (pou etidyan yo).

2. Aksè a Sistèm Enfòmatrik Match yo

- a. Pèsònèl. Nouvo manm pèsònèl yo pral resevwa règleman sa a pa mwayen Manyèl Anplwaye Match yo. Avèk pèmisyon sipèvizè yo, manm pèsònèl Match yo pral gen aksè nan resous enfòmatrik ki vin annaprè yo atravè salklas yo, biwo yo, sant bibliyotèk miltimedya yo, e/oswa laboratwa enfòmatrik e mobil yo: imèl enkli zouti konferans e kolaborasyon, sèvis entènèt, sèvis enskripsyon bazdone ak enfòmasyon sou entènèt, Match sèvi pou sekirize estokaj fichye, e tout resous ak zouti ki sou entènèt/rèd mondyal la. Resous enfòmatrik nan Match yo kapab chanje etandoneke teknoloji ap devlope. Chanjman sa yo pral plase nan tèks dokiman sa a tou.
- b. Etidyan yo. Etidyan yo pral gen aksè apwopriye a entènèt la e reso Match yo atravè òdinatè lekòl la yo pou reyalize travay ki gen rapò ak lekòl la. Etidyan yo kapab itilize sistèm enfòmatrik Match yo sèlman pou rezon edikatif. Etidyan yo (e, pou etidyan Match yo, fanmi yo) pral resevwa règleman sa a pa mwayen Manyèl Etidyan ak Fanmi yo oswa li pral separe separeman.
- c. Lòt Itilizatè yo. Vizitè yo kapab ouvè kont pèsònèl tanporè oswa kontraktè endepandan yo, (pa egzanzp, ranplasan alontèm yo, vandè sèvis yo, entèn yo, pwofesè etidyan yo, enstriktè edikasyon kominotè yo, espesyalis terapeetik yo, volontè yo), kapab gen yon kont vizitè. Aksè yon vizitè kapab limite.

3. Avètisman

- a. Match pa bay okenn kalite garanti, keseswa ouvètman oswa anbachal, sèvis ki founi atravè sistèm enfòmatrik li yo pral san erè oswa san defo. Match pa responsab pou presizyon oswa kalite enfòmasyon ki obteni atravè sistèm enfòmatrik li yo. Itilizatè sistèm enfòmatrik Match yo asime tout responsablite pou itilizasyon yo ki enkli, men ki pa limite a sa sèlman, pèdi done, entèripsyon nan sèvis, frè, responsablite, oswa domaj.

4. Pwopriyete/Privasite

- a. Sistèm enfòmatrik Match yo se pwopriyete Match. Tankou, aktivite ak dosye itilize yo gen chans pou kèk manm pèsoneèl la enspekte yo nenpòt lè. Match gen dwa pou l kontwole epi revize izaj nenpòt e tout aspè sistèm enfòmatrik li yo, sa enkli, men li pa limite a sa sèlman, kontwole izaj entènèt la, telechajman fichye, e tout kominikasyon yo. Match fè mentnans epi aktyalize rezo l yo ak anviwònman enfòmatrik li yo lè l entegre kontwòl apwopriye nan sipò règleman sa a. enstriman ki itilize yo kapab enkli, men yo pa limite a sa sèlman: kontwole aparèy yo, filtrasyon kontni yo, pwoteksyon viris, sèvis ouvè sesyon yo, rezo vityèl, gen aksè nan fichye itilize yo, e konfigirasyon sekirite yo.
- b. Itilize yo pa dwe genyen yon atant privasite konsènan okenn itilizasyon yo fè de sistèm enfòmatrik Match yo. Pou pi espesifik, nenpòt dokiman, imèl oswa lòt kominikasyon ki kreye, moun aksede, estoke, voye oswa resevwa sou sistèm enfòmatrik Match yo, sa enkli kominikasyon sou kont imèl pèsoneèl yo (Gmail, Yahoo, elatriye) oswa sou rezo sosyal yo tankou Facebook, Instagram e Twitter, yo menm moun itilize sou sistèm enfòmatrik Match yo, pa prive.
- c. Imèl ki kreye oswa resevwa pa yon anplwaye Match se yon zafè dosye piblik li pwobab pou l piblik pou piblik la selon lwa dosye piblik Masachisèt yo.

5. Itilizasyon Inakseptab Yo

- a. Sistèm enfòmatrik Match yo pa kapab itilize pou defann afilyasyon politik.
- b. Sistèm enfòmatrik Match yo pa kapab itilize pou lwazi, pou objektif ilegal (oswa sipòte aktivite ilegal), oswa objektif komèsyal tankou, men ki pa limite a sa sèlman, ofri, founi oswa achte machandiz e/oswa sèvis pou itilizasyon pèsoneèl oswa pou pwofi. An plis de sa, sistèm enfòmatrik Match yo pa kapab itilize kòm yon aksè a sèvis piblik oswa yon fowòm piblik. Tankou, Match gen tout dwa l pou l mete restriksyon rezonab materyèl itilize yo kapab gen aksè oswa poste atravè sistèm enfòmatrik Match yo.
- c. Itilize yo pa kapab itilize sistèm enfòmatrik Match yo pou obteni oswa pataje enfòmasyon sou pèsoneèl la, sou etidyan yo oswa sou fanmi yo pou nenpòt rezon ki pa rezon edikatif.
- d. Itilize yo entèdi pou yo kopye materyèl ki gen dwa dotè yo san otorizasyon moun ki gen dwadotè a amwenske yo itilize kopi yo pou anseye (sa enkli plizyè kopi pou itilize nan salklas la), etidyan yo oswa chèchè yo. Si gen ensètitud sou dimansyon pwoteksyon dwadotè a pou materyèl sou entènèt yo, itilize yo dwe jwenn yon pèmasyon pou yo itilize materyèl moun ki gen dwadotè a.
- e. Itilize yo pa dwe eseye gen aksè a fichye oswa kont yo pa otorize atravè sistèm enfòmatrik Match yo.
- f. Itilize yo pa dwe vandalize sistèm enfòmatrik Match yo, pa egzanp, lè yo koze domaj fizik, lè yo rekonfigire sistèm operatif yon òdinatè, lè yo eseye degrade oswa entèwonp sistèm enfòmatrik Match yo, oswa detui done lè yo simaye viris enfòmatrik oswa pa nenpòt lòt mwayen. Nenpòt moun yo dekouvri ki vandalize entansyonèlman sistèm enfòmatrik Match yo dwe pasib de sanksyon disiplinè e dwe responsab pou depans ki fèt pou pyès òdinatè yo, lojisyèl yo, ekipman, materyèl, rekiperasyon done e/oswa restorasyon sistèm nan.
- g. Itilize yo pa dwe pretann yo se yon moun yo pa ye lè y ap voye oswa resevwa kominikasyon elektwonik.
- h. Itilize modpas oswa kont yon lòt moun entèdi estrikteman.

- i. Li inakseptab pou eseye li, efase (elimine), kopye oswa modifye kominikasyon elektwonik lòt itilizatè yo oswa entèfere avèk konpetans lòt itilizatè pou voye oswa resevwa kominikasyon.
- j. Itilizatè yo pa dwe ouvè, voye, revoye materyèl oswa kominikasyon ki difamatwa, pònografik, obsèn, ki gen karakteristik seksyèl, menasan, aselan, pwofàn, oswa ensandyè.
- k. Itilizatè yo pa dwe telechaje oswa enstale okenn lojisyèl komèsyal, lojisyèl gratis y ap teste, lojisyèl gratis, oswa kalite materyèl ki sanble ak yo sou sistèm enfòmatrik Match yo san avan yo pa jwenn otorizasyon nan men Direktè Teknoloji a oswa reprezantan l.
- l. Itilizatè yo dwe absteni yo pou yo pa poze aksyon oswa itilize langaj atravè imèl, mesaj enstantane, oswa nenpòt lòt metòd kominikasyon sou entènèt ki diskriminatwa, oswa asele oswa menase lòt moun yo e sa kapab vyole Plan Prevansyon Entimidasyon Match la, Kòd Konduit, oswa Règleman Zewo Asèlman e Diskriminasyon Match yo. Itilizatè yo pa dwe sèmante (jire), yo pa dwe itilize mo vilgè oswa langaj oubyen imaj inapwopriye.

6. Direktiv pou Anplwaye yo Pou Itilizasyon Rezo Sosyal

- a. Lè anplwaye Match yo poste kontni sou rezo sosyal la, kèlkeswa si wi oswa non se sistèm enfòmatrik Match k ap itilize oswa se sistèm enfòmatrik pèsònèl, direktif ki vin annaprè yo aplikab:
 - i. Anplwaye yo pa dwe poste enfòmasyon idantifikasyon pèsònèl sou aktyèl oswa ansyen etidyan oswa sou lòt manm pèsònèl yo.
 - ii. Anplwaye yo pa dwe poste enfòmasyon ki kapab konsidere diskriminatwa, ofansif, obsèn, menasan, aselan, entimidasyon, ofansif, pètiban, oswa ki ka konstitiye kòm entimidasyon. Pèsònèlman e legalman anplwaye yo responsab pou enfòmasyon yo poste yo.
 - iii. Anplwaye yo ankouraje granman pou jere konfigirasyon privasite yo pou evite afichaj piblik prezans yo sou nenpòt rezo sosyal yo pa ta vle pou etidyan yo, paran/gadò yo oswa kòlèg yo wè.
 - iv. Anplwaye yo pa dwe itilize kont rezo sosyal pèsònèl yo pou kominike avèk etidyan Match yo, sa enkli ajoute etidyan yo kòm "zanmi", oswa "swiv" elèv yo sou rezo sosyal yo sou rezo sosyal yo tankou Facebook oswa Instagram.
 - v. Anplwaye yo pa dwe kreye yon lyen nan yon blòk pèsònèl, sitwèb, oswa lòt sit rezo sosyal yo, pou relasyon l ak sitwèb Match an amwenske sipèvizè anplwaye a ba l otorizasyon.
 - vi. Li estrikteman entèdi pou itilize senbòl oswa an tèt Match yo sou yon blòk, sitwèb, oswa lòt sit rezo sosyal yo.
 - vii. Anplwaye yo pa ka reprezante tèt yo kòm pòtpawòl Match Si yon anplwaye pibliye yon blog oswa yon pòs sou entènèt ki gen rapò ak travay anplwaye a nan Match, anplwaye sa a dwe deklare klèman ke anplwaye a pa pale nan non Match. Li pi bon pou w mete yon eksklizyon tankou "Afichaj yo sou sit sa a se pwòp pa mwen epi yo pa nesèsman reflekte opinyon Match yo.
 - viii. Anplwaye yo ta dwe absteni yo pou yo pa itilize rezo sosyal yo pandan lè travay yo keseswa se sou sistèm enfòmatrik Match yo oswa sou aparèy pèsònèl yo, amwenske itilizasyon sa a relasyon ak travay la e sipèvizè anplwaye a otorize l.

7. Sekirite sou Entènèt

- a. Itilizasyon entènèt gen gwo danje. Tout itilizatè ak paran etidyan Match yo ankouraje pou yo li enfòmasyon Biwo Minis Jistis Masachisèt te pibliye sou Krim Sibènètik e Sekirite sou Entènèt sa ki disponib sou sitwèb Politik Kominotè gouvènman Masachisèt la nan website www.mass.gov. Chache “Attorney General” pou w jwenn sitwèb Biwo Minis Jistis la, kote w pral jwenn “Cyber Crimes and Internet Safety” (Krim Sibènètik e Sekirite sou Entènèt) anba soutit “Public Safety” (Sekirite Piblik). An plis de sa, tout etidyan yo pral patisipe nan pwogram edikatif anti-entimidasyon Match la jan sa etabli nan Plan Prevansyon Entimidasyon Lekòl Match la.
- b. Tout itilizatè yo gen yon kont endividyèl e yo dakò kenbe modpas yo sekirize. Itilizatè yo responsab kont yo, enfòmasyon yo, kòd sekre yo, e modpas yo e yo pa pral pataje yo oswa pèmèt lòt moun gen aksè a yo. Itilizatè yo responsab pou kenbe sa yo an sekirite epi pou rapòte nenpòt vyolasyon sispèk bay sipèvizè yo (pou anplwaye), oswa direktè lekòl la (pou elèv).
- c. Etidyan yo pa pral revele enfòmasyon prive (pa egzanp, adrès, nimewo telefòn) nan okenn kominikasyon elektwonik ki relasyon ak lekòl sa enkli kominikasyon pa mwayen entènèt, oswa lòt zouti rezo entènèt. Espesyalman, itilizatè yo dwe absteni yo pou yo pa revele enfòmasyon pèsònèl oswa prive sou okenn sit komèsyal oswa lòt sit echanj medya sou entènèt (pa egzanp, Facebook; Instagram, TikTok, Twitter, chat rooms), patikilyèman si lekòl la pa patwosine sit sa yo. Sistèm enfòmasyon Match an pa ta dwe itilize pou fè rankont oswa pou planifye rankont moun enkoni.
- d. Lè n ap rantre nan resous e done lekòl la yo sou nenpòt sistèm (sa enkli lè nou andeyò rezo Match yo), pèsònèl la ak volontè yo pral itilize prekosyon kòm sadwa pou pwoteje privasite ak entegrite done etidyan yo.
- e. Match gen tout dwa l pou l itilize filtè teknolojik pou ede l kontwole aksè itilizatè yo nan kontni sou entènèt la e sitwèb inapwopriye yo tout pandan y ap itilize rezo l yo.
- f. Etidyan yo kapab itilize entènèt la sèlman pou rezon edikatif. Itilizasyon pèsònèl sitwèb rezo sosyal yo (pa egzanp, Facebook, Twitter, Instagram, TikTok, elatriye) e sal konvèsasyon yo estriktetman entèdi.
- g. Nenpòt anplwaye Match ki ta renmen elaji itilizasyon kèk sitwèb edikasyonèl nan salklas la dwe suiv pwosedi sa yo:
 - a. Anplwaye a dwe soumèt yon solisid bay direktè a, e direktè a pral enfòme manm pèsònèl la si wi oswa non itilizasyon kèk sitwèb nan salklas la pèmisi.
 - b. Aprè apwobasyon, direktè a pral enfòme kowòdonatè sitwèb lekòl la. Kowòdonatè sitwèb chak lekòl yo dwe genyen yon lis sitwèb edikatif etidyan yo ap itilize pou motif edikatif sou sitwèb sa yo, sa yo ki ta dwe aktyalize de tanzantan.
 - c. Nan ka kote etidyan yo ta dwe enskri pou ouvri yon kont yon fason pou yo ka itilize yon sitwèb an patikilye, manm pèsònèl yo dwe kache enfòmasyon etidyan nan tout mezi Pratik posib (sa vle di, non l, premye lèt siyati l; oswa inisyal li yo, matcheducation.com, elatriye).

8. Done e Kontwòl

- a. Match gen tout dwa l pou l rekonfigire nenpòt òdinatè lè sa nesèsè.
- b. Match responsab po apwovizyon, fè instalasyon, fè mentnans, otorize tout lojisyèl k ap fonsyone nan sistèm enfòmasyon li yo.
- c. Okenn done oswa fichye pèsònèl pa kapab estoke sou yon rezo oswa òdinatè Match.

- d. Match founi tout itilizatè yon kont sou rezo ak estokaj done. Se responsablite itilizatè a pou l asire l tout fichye ak done yo estoke nan andwa apwopriye yo. Match reyalize pwogramasyon sovgad regilyèman pou prevni pèt oswa koripsyon. Sepandan, Match pa kapab bay garanti tout enfòmasyon yo kapab rekipere nan ka ta gen yon fay katastwofik.
- e. Responsablite pou sovgade yon aparèy pòtab oswa yon aparèy mobil repoze sou do itilizatè a. Match pa responsab pou founi sovgad pou aparèy sa yo.

9. Pyès Òdinatè/Lojisye

- a. Nenpòt e tout ekipman Match pwopòsyone pou itilizasyon pa nenpòt itilizatè dwe trete avèk swen kòm sadwa. Tout itilizatè yo responsab pou asire yo ekipman yo pa andomaje oswa yo pa vòlè yo. Abi, domaj oswa move itilizasyon dwe rapòte imedyatman bay yon sipèvizè itilizatè oswa bay Direktè Teknoloji a (pou pèsònèl la), oswa direktè lekòl la (pou elèv).
- b. Nenpòt e tout kontraryete oswa pwoblèm ki relasyon ak nenpòt pyès òdinatè, lojisye, sistèm oswa rezo dwe rapòte bay Direktè Teknoloji a.

10. Vyolasyon

- a. Gen aksè a sistèm enfòmatis Match yo se yon privilèj e non pa yon dwa. Match gen tout dwa l pou l refize, revoke, oswa sispann espesifik privilèj pou itilizatè yo, e/oswa poze aksyon disiplinè jiska, e sa enkli, sispannyon, ekspilyon (pou etidyan yo), e revokasyon (pou pèsònèl ak volontè yo pou vyolasyon règleman sa a.
- b. Match pral avize ajans apwopriye ki pou fè respekte lalwa yo de nenpòt aktivite ilegal ki pwodui nan itilizasyon sistèm enfòmatis Match yo. Match pral kowopere tou konplètman avèk ofisye lokal, leta e/oswa federal yo nan nenpòt envestigasyon ki relasyon ak aktivite ilegal ki reyalize atravè sistèm enfòmatis Match yo.
- c. Match entèdi reprezay kont nenpòt manm pèsònèl la yo paske yo rapòte yon posib vyolasyon de règleman sa a oswa paske yo kowopere nan yon envestigasyon. Nenpòt manm pèsònèl la ki fè reprezay kont yon lòt itilizatè paske l rapòte yon posib vyolasyon de règleman sa a oswa paske l kowopere nan yon envestigasyon pral pasib anba aksyon disiplinè, jiska e sa enkli revokasyon.